

M224.1  
S653 aca1  
CAP  
#1

# RI TAK XI'EL RICHIN NIMANIC

RI RUK'ATAJ RI JESUCRISTO  
QUINCHIN RI CHOJLAXELA' CHUPAN RI RUQ'UISIBEL TAK K'IJ

1. Roj nikanimaj ri Ajaf, ri Ca'slic Tata'ixel, chuka' ri Jesucristo, ri Ruc'ajol y chuka'ri Lok'ojel Uxlabixel.

2. Nikanimaj chi ri achi'a' xtibequila' ri ruc'ayeval xa roma ri quimac y man roma ta ri rumac ri Adán.

3. Nikanimaj chi roma ri rurayil pokonal ri Cristo, checonojel ri quijatzul vinaki' yetiquir yecolotej, roma ri nimey tzij chique ri rupixa' y ri rutakchibel ri lok'olej rutzijol.

4. Nikanimaj chi ri nabey tak rupalbel y ri rutakchibel ri lok'olej rutzijol e jare': nabey, Cukubabel C'u'x riq'uln ri Ajaf Jesucristo; ruca'n: Tzolibel C'u'x chupan ri mac; rox: ri Kasan Ya' ri can yeju'ux vi chuxe'; rucaj: ri Ruya'ic K'abaj pa quivi' richin nik'asex ri rusipanic ri Lok'olej Uxlabixel.

5. Nikanimaj chi ri vinaki' c'o chi ye'oyox pe roma ri Ajaf roma ri rutzijol nuya' pe Rija' y roma ri ruya'ic k'abaj pa quivi', coma ri yo'on can ri k'atbel tzij chique richin niquitzijoj ri lok'olej rutzijol y niquisamajij ri rutakchibel.

6. Nikanimaj ronojel ri ruchojmilal ri xbanatej chupan ri nabey iglesia; ri' e jare': ri apostoli', ri profeta'i', ri yuk'unela', ri tijonela', ri oxcalajulaxela' y ch'aka' chic.

7. Nikanimaj chi ri Ajaf nuya' ri rusipanic richin ch'abel, richin ri rutzijol, richin ri ruk'alajirisaxic, richin ri rutz'etic, richin ri rak'omaxic, richin ri retamaxic richin ch'abel y ch'aka chic.

8. Nikanimaj chi ri Biblia, ja ri' ri ruch'abel ri Ajaf c'a acuchi utz ruk'asaxic banon chire; y nikanimaj chi ri Vuj richin ri Mormon ca ruch'abel vi ri Ajaf chuka'.

9. Nikanimaj ronojel ri ruk'alajirisan pe ri Ajaf, ronojel ri najin chuk' alajirisaxie, y nikanimaj chi Rija' c'a xqueruk'alajirisaj na pe ch'aka chic janina nima'k y c'atzinel tak rutzijol richin ri rajavaren Rija'.

10. Nikanimaj ri molojri'il richin ri tnamit Israel y chi yebeyacatej pe chic ri Lajuj Rijatzul rija': chi ri Sión xtibeapabex chuech re ruvach'ulef América; y chi can ja vi c'a ri Cristo xtibanon ka ri k'atbel tzij y chi re ruvach'ulef can xtiberuc'ulu' chic ri rubaniquil y ri ruc'oijen richin quicotembel.

11. Roj nikach'ojij ri ruc'amon ri ruya'ic ruk'ij ri Ajaf Ronojel Tiquirel achi'el ri runojibal ri kánima y nikaya' c'a chique conojel ri vinaki' junan quik'ij; tiquiya' c'a ruk'ij achi'el, xabacuchi y xabachique nicajo'.

12. Nikanimaj chi ruc'amon nikanimaj tzij quichin conojel ruvech k'atoy tak tzij, y chi ruc'amon nikaben ronojel ri nubij ri k'atbel tzij.

13. Nikanimaj chi c'atzinel vojoc choj, kitzij, ch'ajch'oj, utz kánima, y chi nikaben ri utz chique conojel vinaki'. Can kitzij, yojtiquir nikabij chi nikatzekelbej ri runojibal ri Pablo: ronojel nikanimaj, ronojel nikoyobej; can janina yan pokon katijon y nikatej kak'ij richin nikac'ovisaj ch'aka chic pokonal. Vi c'o ta juba' ri utzilej banobel, ri jebel ri nika' chiquivech ri vinaki' o ri ruc'amon niyatej ruk'ij chire, ronojel c'a re', yekacanoj.— José Smith.